

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON
OPĆINSKI SUD U BUGOJNU
Broj: 46 0 K 103577 22 K
Bugojno, 21.06.2023. godine

U IME FEDERACIJE BOSNE I HERCEGOVINE !

Općinski sud u Bugojnu, po sudiji Sonsirej Radivojević, uz sudjelovanje zapisničarke Maide Cetin, u krivičnom predmetu protiv optuženog A.M. po optužnici Kantonalnog tužiteljstva Travnik T06 0 KT 0029301 21 od 24.06.2021. godine, zbog krivičnog djela „Napad na službenu osobu u obavljanju poslova sigurnosti“ iz člana. 359 stav 1 KZ F BiH i krivičnog djela „Ugrožavanje sigurnosti“ iz člana 183 stav 1 KZ F BiH u vezi sa članom 54 stav 1 Krivičnog zakona Federacije Bosne i Hercegovine¹ nakon javno održanog i zaključenog usmenog glavnog pretresa od 15.06.2023. godine, održanog u prisutnosti Kantonalnog tužitelja Šaćira Hadžića i optuženog lično, u pratnji branitelja Senada Hadžića, a na ročištu za javno objavljivanje presude od dana 20.06.2023. godine održanog u prisustvu optuženog i njegovog branitelja, a u odsustvu uredno obaviještenog Kantonalnog tužitelja je donio i istog dana javno objavio sljedeću:

P R E S U D U

Temeljem odredbi člana 299. stav 1) tačka a) Zakona o krivičnom postupku Federacije Bosne i Hercegovine²,

OPTUŽENI A.M. zv. „S.“ sin H. i majke Đ. djevojački K., rođen godine u mjestu Sokolina, Općina D.V., nastanjen u mjestu Kutanja bb, Općina D.V., pismen, završio OŠ, radnik, zaposlen u UG „Dolina Vukova“ oženjen, otac jednog maloljetnog djeteta, srednjeg imovnog stanja, JMBG:, državljanin BiH, osuđivan:

-Presudom Općinskog suda Bugojno br. 046 0 K 06 000129 K od 04.05.2006. godine, zbog krivičnog djela iz člana 316 stav 2 KZ F BiH, na kaznu zatvora u trajanju od 6 (šest) mjeseci, uslov na 1 (jednu) godinu.

-Presudom Općinskog suda Bugojno br. 046 0 K 07 000106 K od 12.06.2007. godine, zbog krivičnog djela iz člana 359 stav 2 u vezi st. 1 KZ F BiH, na kaznu zatvora u trajanju od 6 (šest) mjeseci – kaznu izdržao.

-Presudom Općinskog suda Bugojno br. 46 0 K 005777 K od 14.01.2010. godine, zbog krivičnog djela iz člana 362 stav 1 KZ F BiH, na kaznu zatvora u trajanju od 3 (tri) mjeseca – kazne brisane. Ne vodi se drugi krivični postupak.

¹ ("Službene novine Federacije BiH", br. 36/2003, 21/2004 - ispr., 69/2004, 18/2005, 42/2010, 42/2011, 59/2014, 76/2014, 46/2016, 75/2017)

² «Službene novine FBiH», broj 35/03 28. jula 2003.; Ispravke i izmjene i dopune: SN FBiH: br. 37/03; SN FBiH: br. 56/03; SN FBiH: br. 78/04; SN FBiH: br. 28/05; SN FBiH: br. 55/06; SN FBiH: br. 27/07; SN FBiH: br. 53/07; SN FBiH: br. 9/09, SN FBiH)

OSLOBAĐA SE OD OPTUŽBE

Da bi:

Dana 13.05.2021.godine oko 21,30 sati u Ulici 770. Sbb., općina Donji Vakuf, ispred UG „Dolina Vukova“, napao službenu osobu u obavljanju službenih zadataka i ozbiljnom prijetnjom da će napasti na život i tijelo drugoga ugrozio sigurnost oštećenoga policijskog službenika H.Č., koji se nalazio na izvršenju službenih zadataka, na način da je u momentu rada policijskih službenika, koji su postupali po prijavi o narušavanju javnog reda i mira, i to H.H., M.P., A.H. i H.Č., oštećenom se obratio riječima „šta ti imaš protiv mene“, te mu prišao sa namjerom da ga fizički napadne, tako što je unoseći mu se u lice svojim rukama ga dva puta odgurnuo, da bi potom kada su prisutni policijski službenici reagovali i zaustavili ga u daljem napadu ponovo mu se obratio riječima „ti zaustavljaš moje kamione“ „obračunat ćemo se kad odeš u penziju“, „ja ću te odležat“, „vratit ću ti H. isto kad ti ubiješ divlju svinju“, a što je kod oštećenog sve zajedno izazvalo osjećaj straha za vlastitu sigurnost, i zbog čega je o svemu obavijestio pretpostavljene.

Čime bi počinio krivična djela u sticaju i to djelo „Napad na službenu osobu u obavljanju poslova sigurnosti“ iz člana 359 stav 1 KZ F BiH i krivično djelo „Ugrožavanje sigurnosti“ iz člana 183. stav 1 KZ F BiH, u vezi sa čl. 54 st.1 KZ F BiH

Na temelju odredbi čl. 212. st. 4. Zakona o krivičnom postupku Federacije Bosne i Hercegovine oštećeni H.Č. se sa imovinsko-pravnim zahtjevom upućuje na građansku parnicu.

Na temelju člana 203. stav 1. Zakona o krivičnom postupku Federacije Bosne i Hercegovine troškovi krivičnog postupka padaju na teret budžetskih sredstava.

O b r a z l o ž e n j e

Na temelju odredbi čl. 212. st. 4. Zakona o krivičnom postupku Federacije Bosne i Hercegovine oštećeni H.Č. se sa imovinsko-pravnim zahtjevom upućuje na građansku parnicu.

Na temelju člana 203. stav 1. Zakona o krivičnom postupku Federacije Bosne i Hercegovine troškovi krivičnog postupka, a koji se odnose na troškove medicinskog vještačenja po vještaku Salihu Terziću i troškove pristupa svjedoka oštećenog H.Č. u iznosu od 10,00 KM na relaciji Donji Vakuf – Bugojno – Donji Vakuf pristupa na dva ročišta padaju na teret budžetskih sredstava.

Zapisničar:

Maida Cetin

S U D I J A

Sonsirej Radivojević